



La partida de retüda de Copa Provinzia cuntra le Dietenheim, sugada insëra mercuri 9 de setëmber, é ruvida sön le resultat de 1-1, La Val sla cava insciö da passé le prüm rode.

Do la devënta dl'andata fora de ciasa por 2-0 à la squadra da La Val albü n bun vantaje dal mëtman. Por val infortüne y val asënza á la formaziun ladina subí cotan de variaziuns. I sogadüs che á metü pé te ciamp á pité na bela prestaziun. Bele atira é le druch ladin che se fej udëi, cun antizips y ripartënzes vara a druché zeruch i pustri y ruvé dan porta a trà. Le gol toma al 25[^], sön na crossada röia Alexander a antizipé le portier y cun l bel stach de cé apogëiel le palê te rëi por le 1-0. Le Dietenheim se fej tosc prigrus te area ladina, chiló vëgn n atacant ôt cuntra le ciantun, metü a tera dan sogadu ladin. Le arbiter conzed le önescmetri sënza dubité. Ala trata él Julian che individuëia bun la direziun dl curan y se tëgn toch le palê. Le arbiter ne conzed indere nia la parada a gauja dl movimënt de Julian defora dala linea de porta. I sogadus se lascia sö, mo ne porta a nia. La secunda trata é spo garatada por i pustri, 1-1.

Tla secunda pert vëighen indo n bel jüch bas, plëgn de combinaziuns. I movimënc di atacanc stimnëia y al ti garet de vigne sort de ocagiuns al limit, chiló mancel scialdi l'ultim sforz por la contlujun. Alex E. röia plö gonot a trà dal limit, le curan indere ne ciafa scialdi mai la direziun

cuntra porta. I pustri ne sciafia nia da ciafé le vantaje y insciö é inc le nervosism che se fej sintí, le jüch puster devënta plö grô y le arbiter stënta de tignì le jüch sot a control. Julian mëss salté fora de porta por antizipé val palê arlungé dala defenjiun. Nia de straordinar ti gareta plü al Dietenheim y insciö se stlütj ia i nonanta menüc. La Val passa le prüm rode de Copa Provinzia y pó se inconforté a incunté indo in dumënia le Dietenheim te campionat. **La terza partida de campionat vëgn sugada a La Val dales 15:30.**

La Val - Dietenheim: 1-1

Formaziun La Val: 1. Julian Moling, 2. Martin Ploner, 3. Max Nagler , 4. Werner Sottara, 5. David Moling
(dal 75[^] Egon Frenes)
, 6. Franz Tolpeit, 7. Marco Sottara, 8. Stefan Sottara (dal 75[^] Felix Nagler), 9. Adrian Miribung (dal 75[^] Christian Dapoz), 10. Alex Elzenbaumer, 11. Alexander Miribung

Gol por La Val: Alexander Miribung al 25[^]

Insëra, mercui ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.